

Projekt «Bettmümpfeli»

Link zum Projekt: <https://files.acrobat.com/a/preview/d3ed7f8e-6202-443b-8c44-9cf0964eed89>



Inhalt

Dr Megi und ds Müsli am Oberlegisee	7
D Gschicht vum Megerlimuggi und em alte Lismer	11
Dr Megi, ds Müsli und dr Adler Heiri	25
Dr Megerlomuggo z Italie und d Gschicht vum goldige Oschtere	33
Dr Megi und ds Müsli bir Villa Hörli	42

“Bettmümpfeli” sind Geschichten der Brüder Hans und Jakob Bähler,
...zum Nacherzählen
...zum Abändern
...als Schokoladenersatz
...zur Fortsetzung
...zum Weiterspinnen

Dr Megerlimuggi
Ein Dauerheld, dem man immer rufen kann, der
etwas anstellt, und Megerlimuggi muss ihm
einen alten Lismer, ein Spiegeln, ein Kästchen

Dr Megi und ds Müsli
Bruder und Schwester, die zusammen viele A
sicher Müsli eine. Zusammen sind sie ein un

Dr Megi und ds Müsli am Oberlegisee

Jakob Bähler / Peter Kummer



«Potz Blitz», seit dr Megi, güegeled nüd lang, schränzt siine Librieme zu dä Hosen use – er het ja noch
Hoseträger aakha, da het aso nüt chänne passiere – und gaat zum nechste Zuusparre dure. Siine
Librieme isch ä so öppis we us Gummi gsi, mä het nä chänne i d Lengi zieh. «Chum mir gu häbe», seit
er zum Müsli. D Schnalle vu sim Gurt leit er ine Nagel wo vum Sparre usegloeget het, das ander Ändi,
das mit dä Löcher het ds Müsli müese häbe. «So etz hämer ä Schlüder.» Er suecht ä chiline Schtel und
häbed ne mit dä Händ i dr Mitti vu sinem Gummigurt und spanned der Rieme aa, so fescht as gaat.
Underesse isch dr Adler Heiri mit siiner Fracht schu ganz nach ufechu. Dr Megi laa los, dr Schtei
spiggt füre und em Adler Heiri gad a d Bruchfedere ane. Der isch truuig erschrogge. I sinem Schreg-
ge tuet er d Fäng uf und dr Hansli bürzled durabe. Kei Angscht, unde dra schtaa schu ds Müsli mit
em offne Ruggsagg und schwupps di wupp verschwindt dr Hansli im Sagg inne. Ds Müsli ninnt ne
süerlig use, zum Luege wes em göng. Da sind vu dä scharfe Chralle vu ds Adler Heiris Fäng äs paar
Bluettröpfli gsi, das isch alls. Sust hets em eigeitli nüt gmachtet.

Der Hansli het ä schüüs Gefell kha. «Du», seit due ds Müsli zum Megi, «mir günd nüd gu Bruuwald
übere, ich mues mit em Hansli gredigs durabe.» «Dä sigs halt äso», meint dr Megi. Also günds halt fä-
digs geged Luchsige abe.

10



D Gschicht vum Megerlimuggi und em alte Lismer

Hans Bähler / Peter Kummer

Amenä Mittwuchnamittag sind dr Megerlimuggi und dr Fritzli ächlei gu velofare. Dr Fritzli isch vor-
uus gfare. Er het dä halt immer gschwinder welle sil, as dr Megerlimuggi. Schu glii isch er aber so müede
gsi, as ne dr Megerlimuggi sogar het müese schtosse. Zeismal het dr Fritzli grüeft: «Du, Megerlimuggi,
was isch ä das? Dä isch ja ä Garte mit äme Zuu drum. Der han i nuch nie gseh.» Und würggi, da isch ä
grosse Garte mit Opfelblüm gsi und ds ringeltumme hets ä Holzkuu kha. Es het ä ke Tür gi, aber ge-
ged em Weeg zue isch ä grossi Tafere ghanget und druf hets gheisse: «Verboten Äpfel zu nehmen. Sie
gehören dem Zauberer Opfelschnitz!»

«Lueg ämal, Megerlimuggi, das sind dä schu nuch gross Opfel. Da chännt mä us eim einzige Opfel
ä ganzi Wälie mache», het dr Fritzli grüeft. Und will gad nebed em Zuu ä grosse, schüüne Opfel gle-
ge isch, het ne dr Fritzli eifach welle hole. Aber dr Megerlimuggi het züenem gseit: «Nenei, Fritzli, da
wärmer lieber kei Opfel nii, dr Zauberer Opfelschnitz isch ette gar ke Liebe. Chum, mer händ ja üüseres
Piggnigg, und sind etz dä gad bim Piggniggplatz.» «Ja, ich chume gad naache, ich mues nu nuch ettis
am Velo fligge», het dr Fritzli gseit. Aber das isch gar nüd waar gsi. Chuum isch dr Megerlimuggi ächlei
wiiter gsi, da isch dr Fritzli tifig übere Zuu gchletteret, zum Opfel grännt, het si böggd und ne gad welle
uuflese, da suugt ene zeismal ä scharfe Wind uf – und dr Fritzli isch verschwunde gsi.

Dr Zauberer Opfelschnitz, er heisst ebä so, will er fascht nu immer Opfel isst, der het ä rüisige
Schaubsauger, und wän tagemal etter i siine Garte chu isch, dä het er der Schaubsauger laufe luu und
het dermit sogar Mänsche chänne ufsaugen. Und so isch dr Fritzli im Schaubsauger vum Zauberer Op-
felschnitz verschwunde. Vu dem isch äs Rohr bis zum Huus vum Zauberer gange und det isch dr Fritzli
inere grosse Chischte wieder usepürzelt. Die het Löcher kha, so het er zwar chänne schnuufe, aber us dr
Chischte isch er nüd usechu. Die het dr Zauberer Opfelschnitz miteme Zauberschloss abgschpeert kha.
Underesse isch dr Megerlimuggi bim Piggniggplatz achu gsi. Er het sis Velo anegschteilt und aafuu

12

11